

Fra: Edvard Nesland (edvard.nesland@fyresdal.kommune.no)

Sendt: 04.01.2017 15:44:25

Til: Olav A. Veum

Kopi: Ketil Kiland; Postmottak Fyresdal Kommune

Emne: Søknad om støtte frå næringsfondet til utviklingstiltak i Silva consult as

Vedlegg:

Hei!

Eg syner til søknad frå dykk datert 24.11.2016, loggført som sak nr. 2016/1580 i kommunen, om støtte frå næringsfondet for bedriftsutvikling og marknadsføring for å kunne kome i posisjon for å tilby konsulenttenester utanfor nærområda. Søknaden er diskutert administrativt/politisk og det er stor forståing for at det er viktig å ha ein aktiv og profesjonell profilering av tenestene dykkar utanfor "eigen region" - særleg etter at terskelverdien for krav til bruk av Doffin-basen er endra.

Situasjonen var slik at midlane i næringsfondet for 2016 blei bruka opp tidleg i haust, men i 2017 er det tilført nye midlar. Desse midlane skal normalt fordelast på enkeltsøknader og nokre øyremerkte formål (eks. Vest-Telemark-rådet). For 2017 vil kommunen sin økonomiske eigendel av omstillingsprosjektet måtte finansierast frå næringsfondet. Det vil difor bli svært begrensa midlar i det ordinære næringsfondet, men betydelege midlar til disposisjon i omstillingsprosjektet.

I februar vil hovuddelen av omstillingsprosjektet kome i gang. Det skal etablerast både eit omstillingsstyre og ei prosjektleiing. Omstillingsstyret får disponere betydelege midlar som skal brukast i samsvar med utviklingsstrategien og handlingsplanen som blir nedfelt i omstillingsplanen.

Vi meiner det vil vere rett å legge søknaden dykkar til handsaming i omstillingsstyret, slik at denne blir handsama etter retningslinene for omstillingsarbeidet. Vi er lei for at dette vil forseinke avgjera på søknaden noko. På den andre sida er det så kort tid fram til omstillingsstyret kjem i gang, at det nå vil vere naturleg at alle søknader om næringsstøtte blir handsama der.

Med venleg helsing

Edvard Nesland

næringssjef

tlf. 400 98 838

edvard.nesland@fyresdal.kommune.no